

DISSERTATIO MEDICO-CHYMICA
 INAUGURALIS
 DE
**SALIBUS METAL-
 LICIS,**

Quam

FAVENTE DEO OPTIMO MAXIMO,
 RECTORE MAGNIFICENTISSIMO,
 SERENISSIMO PRINCIPE AC DOMINO,
DN. PHILIPPO WILHELMO,
 PRINCIPE BORUSSIÆ, MARCHIONE BRAN-
 DENBURGICO, CETERA,
 GRATIOSISSIMÆ FACULTATIS MEDICÆ CONSENSU,
 IN ACADEMIA FRIDERICIANA
 SUB PRÆSIDIO

DN. GEORGII ERNESTI STAHL,
 MED. D. ET PROFESS. PUBL. ORDINAR.
 h. t. FACULT. DECANI,

*DN. PATRONI AC PRÆCEPTORIS SUI OMNI OBSERVANTIÆ
 CULTU PROSEQUENDI,*

PRO LICENTIA

Summos in ARTE MEDICA Honores, Jura & Privilegia
 DOCTORALIA rite ac legitime capessendi,

d. Jun. A. MDCCVIII. horis ante & pomeridianis

IN AUDITORIO MAJORI

Publico ac Placido Eruditorum Examini sistet

GODOFREDUS ROTHUS,

Görlic. Lusat.

OFFICE OF THE DIRECTOR
OF THE BUREAU OF LANDS

WASHINGTON, D. C.

1912

THE BUREAU OF LANDS
HAS THE HONOR TO ACKNOWLEDGE
THE RECEIPT OF THE FOLLOWING

DEED OF CONVEYANCE
TO THE UNITED STATES
OF AMERICA
BY THE STATE OF TEXAS
IN WITNESS WHEREOF
THE DIRECTOR OF THE BUREAU OF LANDS
HAS HEREUNTO SET HIS HAND AND SEAL
THIS 12TH DAY OF JANUARY 1912

BY CHIEF CLERK
J. H. HARRIS
DIRECTOR OF THE BUREAU OF LANDS

RECORDED TO THE
RECORDS OF THE
BUREAU OF LANDS
AT WASHINGTON, D. C.
THIS 12TH DAY OF JANUARY 1912
J. H. HARRIS
DIRECTOR OF THE BUREAU OF LANDS



PROOEMIUM.



Alia Metallorum à multis hactenus anxie expetita, à nonnullis penitus negata, ab alijs tamen strenue asserta & vindicata esse, neminem facile fugiet, qui vel paululum in legendis Chymicorum Scriptis versatus est. Quamvis autem hæc ipsa Salia, non tam usibus Medicis, quam curiositatibus potius Physicis, vel Alchymisticis, passim destinari videantur: non ideo tamen vniuersum hoc negotium à foro Medico prorsus alienum censi debet. Consentiant enim in eo Scriptores tantum non omnes, Medici æque ac Chymici, remedia morbis rebellibus & contumacibus paria, rectius è Metallis, quam Vegetabilibus aut Animalibus peti. Jam verò negari nequit, Metalla pleraque congruam resolutionem, promptamque in corpore humano distributionem, (quod tamen à Medicamento bonæ notæ omnino requiritur) ægerrime subire. Quare si quid è Metallis sperandum foret, de quo aliquod operæ pretium in medendo expectare liceat, ad Salis naturam illud accedere debere, propemodum

persuafus sum. Quin aufim afferere, etiam Tincturas è Metallis hætenus parari solitas, efficaciam suam, quæ certè penitus elevari nequit, à Salino potius, quam Sulphureo principio, mutuari; utcunque coloris interdum unà emergentis lufus, oculos animosque intuentium fascinet: adeoque inanem esse disceptationem, an tale productum Tincturæ, an Solutionis tantum nomen mereatur. Cum potius majori sollicitudine inquirendum foret, an ipsius præparationis sive productionis institutum omninò succedat; imo an utique hoc productum illos effectus, qui ipsi tribuuntur, revera præstet. Quæ si pro dignitate pervestigata, ipsique veritati respondere comperta fuerint, facile deinde commoda sese offeret denominandi ratio. Quare veniam tanto facilius me impetraturum spero, partim quod METALLICORUM SALIUM considerationem, SPECIMINIS INAUGURALIS loco, proponere non dubitaverim; partim quod Veteribus solennem loquendi morem, usitatamque SALIS appellationem, hic retinuerim. Aspiret modo cœptis Numen Supremum clementissime!

I.

QUI SALIUM METALLICORUM existentiam in dubium vocare, vel penitus destruere fatagunt, tria potissimum urgent, (1) quicquid sub nomine Salis è Metallis parari soleat, non esse portionem à reliquis principiis constitutivis, Sulphure puta & Mercurio, per modum extractionis separatam; sed integrum metalli corpus per salia menstruorum adhibitorum corrosum; (2) adeo-

(2) adeoque concrementum saltem esse, ex calce metallica, cum Sale aliquo coalescente constans, Magisterii potius titulo, vel alio magis appposito nomine, quàm Salis insigniendum; (3) proinde quoque hæc è Metallis producta Salia igne candescente tractata, non fluere instar genuinorum salium, sed in calcem insolubilem, vel scoriam vitrescentem, abire.

II.

In compendio veluti hæc in contrarium militantium argumenta exhibet *Angelus Sala*, Chrysolog. S. l. c. 2. p. 124. *Cineres metallici, inquit, etiamsi vel per integrum annum in aqua macerarentur, ne atomus quidem salis verè salsi inde extraheretur. Non sum nescius, reperiri, qui beneficio aceti destillati aut alius alterius liquoris acidi istiusmodi salem elicere gloriantur, sed & hoc scio, oppido tum falli ipsos, tum alios æque fallere. Nec enim, quod ipsi pro sale obtrudunt, id revera horum corporum sal est, sed spiritus solventium, qui cum parte cinerum metallicorum coaluerunt in ejusmodi massam salinam, Vulcano teste, qui spiritus coagulatos segregare rursus potest à cineribus metallicis, sic, ut hi ad solidam suam & in aquâ indissolubilem formam & consistentiam, spiritibus destituti, redeant.*

III.

Verum enim vero facilè dilui possunt, quæ hic in medium affert *Sala*. Prior enim objectio, cineres metallorum in aquâ diutissimè licet maceratos ne granum quidem salis genuini exhibere, de calcibus metallicis simplici uestione paratis concedi fortè posset. Nihilominus alia supersunt adminicula, quibus Metalla in tales cineres possunt redigi, qui citra cujuscunque menstrui salini, nedum acidi, accessum, salis sinceri vestigia haud obscura exhibent: cujus rei aliqua documenta dabimus inferiùs. Alterum argumentum, Salia ex Metallis calcinatis ope menstruorum acidorum more re-

cepto parata, per Vulcani torturam facile rursus ita dirimi, ut spiritu, quem calx metallica combiberat, exhalante, pristinum terræ calciformis schema recuperent, pariter per experientiam contrariam refelli posset. Licet enim pleraque Salia Metallica, quæ hanc ipsam ob causam ab aliis Vitriola vocantur, hunc metaschematissimum subeant, omnia tamen ejusdem fore genii, nequaquam ex in inferri poterit. Adde, quod residuum illud calciforme, in quod Salia hæc per ignitionem redeunt, à priori calce, unde extracta fuerant, teneritudine & solubilitate evidenter differat, imo per repetitas solutiones & modestas calcinationes, (ubi præsertim vitrificatio omni studio præcavenda est) singulis vicibus ad majorem puritatis & fixitatis gradum, quam illi à genuinis salibus requirunt, tandem possit evehi. Quid, quod & illa salia, quæ unanimi consensu isthoc titulo insigniuntur, unde & nostra hæc nomen suum mutuuntur, ut sal commune, nitrum, salia lixiva plantarum, spiritum sibi Vulcani vehementia extorqueri patiantur, remanente alia fixiore substantia, quod de prioribus quidem satis notum atque pervulgatum est, in his posterioribus tamen, lixivis scilicet, à *Borrichio* pariter cum successu tentatum fuit, qui ex unciiis VI. salis sarmentorum, cum quadruplo cineris proprii & omni sale vacui remissis, per retortam argillaceam destillatis, 24. horarum spatio integram unciam spiritus elicit, saporis mediocriter acris, qui æri limato affusus, ut bracteolæ quædam iridis formâ liquorî innatarent, effecit. Vid. *Ej. Tr. de Hermet. & Ægypt. Sapient. L. II. c. 5. §. 8. p. 366.* Quin omnia fere salia, etiam hæc ipsa lixiva, quæ alias κατ' ἐξοχήν fixa audiunt, crebrioribus ustulationibus ac solutionibus, in terram ignavam insipidamque terminantur, teste eodem *ibid. pag. 353. it. cap. 7. §. 3. p. 404.* Nihilominus hæc à familiâ salium propterea non proscribuntur,

IV.

Tandem quod istam attinet objectionem, Salia hæc non esse unum ex principiis metallorum constitutivis, à reliquis separatim, sed integrum metalli corpus, in Salinâ formâ, attenuatum; nos equidem non adeo directe ferit, sed illos potius, qui omnia corpora mixta, atque adeo etiam metalla, ex Sale, Sulphure, & Mercurio constare, iterumque in tria hæc principia resolvi posse, probare sustinent. Quamvis autem præsentis instituti ratio non permittat, vexatam illam de Corporum Naturalium Principiis controversiam excutere, atque num tria ista Chymicorum, num Cartesianorum Elementa demonstratu sint faciliora, disquirere: hoc tamen firmum ratumque esse existimamus, vera corporum mixtorum principia, longe esse subtiliora, quam ut sub salis corporei, ulteriorique resolutioni adhuc expositi, conceptu ac schemate fisti queant. Interim posse mixtum aliquod etiam citrà ultimam in vere prima principia analysis in partes à se invicem revera distinctas dirimi, vel sola Tartari destillatio ostendit, ubi sane seorsim spiritus amari-
cans, nec non oleum foetidum, porro sal fixum fusile, & denique terra cinerea insolubilis in conspectum prodit, quæ cum denuo in partes heterogeneous ulterius distrahi valeant, nondum quidem pro primis principiis haberi possunt, nihilominus principia multa diversa & consistentiâ & effectû à se invicem distingvenda censerî ac salutari utique merentur. Quale quid in Metallis si contingat, scilicet ut illa pariter in diversas ejusmodi partes dirimantur, quid impedit, quo minus inde resultantia apospasmata diversa, diversis etiam appellationibus, distingvere liceat, etiamsi arcta illa principiorum unio nondum funditus diremta, nec radicalis mixti resolutio facta fuerit.

V.

Si vero totum negotium de Principiis rerum Chymicis,
& an-

& ante omnia Metallorum, secundum rei veritatem explicare arrideat: potest hic facem præferre *Beccherus*, cui etiam adstipulari solet *Excell. Dn. D. Præses*, quamvis ejus sententia communes opiniones non æque pressis sequatur vestigiis: sed tamen, quantum mihi videtur, talem viam insitat, quâ ipsum potius sequi, vix quenquam poenitere posse confidere ausim. Nempe principium salinum in Metallis, non denotat perfectum & strictè dictum Sal, in mixtione salinâ jam constitutum (nempe cum aquositate intimiùs connexum) in quâ etiam consistentiâ esset utique alienum à metallicâ mixtione, nec in illâ subsistere posset. Interim est utique talis substantia, quæ salibus usitato sensu sumtis, præ aliis, & imprimis sulphureis quibuslibet, subjectis, promptissime omnium obsequitur, illis semet sociat, & sano sensu, ab illis extrahi quasi sese patitur: certè in ejusmodi veluti consistentiam cum his abit, ut hinc propiùs dispositum sit, ad subeundam mixtionem novam, aliis inquam Metallis, salino hoc principio pauperioribus, sese subtiliter ac intimè insinuandum. Quo nomine consideratu dignum est infra à me allegatum exemplum experimenti *Kunckeliani*: sicut etiam Chymicus dexterrimus, *Dn. Lincke Lipsiensis*, curiosus in hoc genere præmonstrare poterit hujus rei specimen, nempe argentum è mercurio corrente factum per valde parvam quantitatem salis cujusdam metallici. Imo vero posset, si necessarium videretur, allegari experimentum, non dicam civiliter, certè tamen physicè, non ultimæ considerationis, ubi per crassum etiam salinum schema, è plumbo, cupro &c. efformatum, in mercurium communem ejusmodi mutatio introducitur, quæ non solum plenam atque veram, sed etiam omnium firmissimam mixtionem, egregie testatam reddat.

VI.

Neque etiam perorata est causa, aut sufficienter adhuc demon-

demonstratum, quod Salia hæc Metallica nihil aliud sint, quam integrum metalli alicujus corpus per acidum corrosivum ac solutum, adeoque cujusvis alcali beneficio in pristinum metallum reducibile. Quamvis enim nonnulla ex his per reductionis artificium aliquid pristini metallici corporis exhibeant; tamdiu tamen de sufficienti asserti hujus etiam per ipsam hanc reductionem probatione dubitare licebit, usque dum plenum metalli assumpti pondus reductione iterum obtineri, neque notabilem ejusdem quantitatem in vitrum vel scorias facessere, bona fide asserere, aut reductionem istam absque novâ portionis illius magis volatilis, quæ inter calcinandum exhalavit, additione perpetrare valeant. Utut autem animus jam non sit, ad illam ab *Isaaco Hollando* traditam, aut aliam similiter operosam Metalla, cum aliqua partium diversarum sequestratione, in Salia redigendi methodum anticipando veluti provocare: non possumus tamen illud silentio hic præterire, etiam rudiores istas per menstrua acida institutas metallorum solutiones vix citra manifestam particularum heterogenearum secessionem contingere. Sic in vulgari Vitrioli martialis præparatione, h. e. ferri per oleum vitrioli cum aqua communi dilutum solutione, hujusque crystallisationi jam aptandæ filtratione materia limosa nigricans primum, per exsiccationem vero in pulverem gryseum levissimum faciens solet remanere, quæ à plerisque [vid. *Glaßer. Chym. Wegweis. LII. c. 5. p. 172.*] terræ inutilis nomine abjicitur, accuratius tamen examinata nihil aliud videtur esse, quam ferri portio magis sulphurea ab acido vitrioli, salinas terreasque partes promptius imbibente intacta relicta: id quod à *Keslero* jamjam annotatum fuit in *ej. Cent. II. n. 27. p. 173.* Imo, si residuum istud siccatum cum pari circiter mercurii vivi quantitate diligenti triturâ subigatur, ac sublimationi committatur, major mercurii additi pars, cum sulphure hoc coalescens, in genuinam elevatur cin-

nabarim, pari forte cum cinnabari antimoniali jure cinnabaris martialis titulo insigniendam. Similem sedimenti talis secessum in solutione martis cum Spiritu Salis instituta observavi; illud tamen pari cum mercurio currente tractandi methodo examinare nondum licuit. Pariter acetum destillatum in solutione & crystallisatione viridis æris multas cupri particulas relinquit intactas, nonnisi Salis Ammoniaci accessu demum solubiles. Neque omni caret ratione monitum *Glauberi*, quod ille passim in scriptis suis inculcat, ut ejusmodi sedimenta, in variis metallorum solutionibus ac digestionibus interdum secedentia, paulò examinentur diligentius: cum non rarò labor hic aliquid etiam utilitatis afferre posset.

VII.

Imò non video, quid obftet, quo minus Salis titulum, communi etiam acceptione, tribuere liceat tali quoque producto, quod omnes genuini Salis notas exhibet, licet citra manifestam reliquorum principiorum sequestrationem & separatam collectionem id paratum, & totum metalli corpus vel potior ejusdem pars in substantiam ejusmodi Salini-formem redactum fuerit: pariter ac ceræ vel pingvedinis tenerioris oleum olei titulo non ideo censetur indignum, quod tota propemodum ceræ l. pingvedinis illius substantia motu igneo subtilisata hoc ipsum constituat.

VIII.

Facilius tamen componi poterit tota hæc controversia, Salis definitione præmissâ. Suggestit hanc *Excell. Dn. D. Hoffmannus Diff. de Gener. Salium* §. 4. *Sal, inquit, est substantia sapida & in liquido aqueo solubilis* Consentit & *Geber*, qui *Summ. Perfect. L. I. P. IV. c. 51. de Solutione* ita disserit: *Omne, quod solvitur [in aquis acutis, acribus & ponticis, sicut est acetum distillatum & uva agrestis, pruna acerba &c. similiter distillata,] necesse est, Salis, aut alu-*
minis,

minis, vel eorum consimilium naturam possidere. Et paulo post: Ex operibus naturæ probare possumus, sola Salium & aluminum & similium naturam possidentia solubilia esse.

IX.

Non male itaque primarium Salium characterem constituemus promptam eorundem in liquido aqueo solubilitatem. Reliqua requisita, scilicet ut notabilem organis gustus saporem offerant; ut menstruis aqueis soluta facile iterum, per horum evaporationem congruam, in siccam consistentiam reduci queant, magis erunt secundaria. Cæteræ affectiones coloris, fixitatis, puritatis, fusibilitatis, differentię accidentales sunt, quæ Speciem, nullo modo Genus, variare possunt. Quo respectu Saccharum, Tartarus, & reliquæ sic dicta Salia, essentialia plantarum, Vitriolum, Alumen aliaque his similia, omninò in censum Salium cooptanda sunt. Neque aliter *Basilii Valentinus*, qui *Helmontio* & *Borrichio* testibus, primus ferè trium istorum Principiorum, Salis, Sulphuris, Mercurii denominationem & distinctionem in scenam produxit, loqui amat. Ita enim *Lib. III. vom Univers. der ganzen Welt* p. 270. de Vitriolo scribit: *In der Erden fällt ein mineralisches Salz / so man Vitriol nennet. = = = Dieses Salz führet einen brennenden Sulphur, das andere Salia nicht thun. It. Wiederhohl. des Steins der Weis. p. 106. de Tartaro: Dieses Salz wird nicht in das Buch der Mineralien geschrieben &c.*

X.

Quod si igitur nihil aliud nisi Vitriolum ex metallis haberi posset, satis jam factum foret adversariis. Nam metalla quælibet, etiam nobiliora illa, quæ flammarum violentiam alioquin eludunt, per menstrua commoda in vitriola seu crystallos salinas redigi posse, illi ipsi negare non audent. Quanquam, quod aurum attinet, ne id quidem effectum adeò facile fuerit, si quis per suspensionem sive expositionem la-

minarum aurearum super vapores & halitus aquarum acutarum, quam plerique pro hoc scopo commendant, negotium tentaret. Sed expeditam satis ac concinnam Aurum non minus, quam Argentum & Mercurium in ejusmodi crystallos si-
ve Salia vitriolica redigendi methodum proponit *Erbineus à Brandau* in den 12. Grund-Säulen der Natur und Kunst p. 23. Scilicet Aurum in aqua regia, Argentum, ut & Mercurius, in aqua forti solvuntur, menstrua ad dimidium circiter abstrahuntur, tum liquori superstiti aliquot guttulæ spiritus vini instillantur, (citra hujus enim accessum solutio Auri per aquam regiam facta difficulter admodum crystallisationi pareret, teste *Cramero in Coll. Chym. p. 120.*) Ita in loco frigido concrescunt crystallos pellucidæ, quæ denuo in aceto stillatitio, postmodum in aqua pluvia destillata & spiritu vini solvi, atque per repetitas tales solutiones & coagulationes ad majorem puritatem perducì possunt. Conf. *Kesl. Cent. I. n. 4. it. Bar. Schröd. Bedencken vom Goldmach. p. 107.*

XI.

Facilius tale Sal vitriolicum ex plumbo obtineri potest ope aceti destillati minio, lithargyrio, cerussæ, vel materiæ illi, quam myropolæ Schieferweiß vocant, aut alii calci plumbeæ, affusio; quod statim inde dulcescit, atque post evaporationem debitam subjunctam Sal exhibet, ob eximiam, quam gustantibus offert, dulcedinem, sacchari saturni nomine vulgo insigniri solitum. Imo leviori adhuc operâ citrà calcinationem præviam, ex ipsa limaturâ s. rasurâ plumbi, per aquam fortem debiliorem, aut aquæ communis partibus circiter tribus dilutam, paratur. Quin & acetum paulò fortius, per alembicum plumbeum, vel laminis plumbeis refertum, si destillatur, tantum ex plumbo abradit, ut non solum notabiliter dulcescat, sed & post abstractionem, si-ve evaporationem congruam, in crystallos saccharinas concrescat. Vid. *Kunckel. Not. in Art. Vitrar. Neri & Merretti p. 119.* Parat hac ipsa metho-

inethodo Aquam suam *Æsculapii Zapata*, quam nihil aliud nisi saccharum Saturni liquidum esse, ab ipso Auctore commemoratæ circumstantiæ facile evincunt. Vid. *Mirabil. Ej. Medico-Chirurg. per Spleissium edita c. 13. p. 220.*

XII.

Ex stanno pari methodo, atque è plumbo, per acetum destillatum sal elici posse, negat quidem *Glaferus* in *Chym. Wegweis. L. II. c. 4. p. 160.* Sed si acetum destillatum paulò generosius, cui inter destillandum salis communis manipulus fuerit additus, calci joviali, per simplicem ignitionem & inter-agitationem assiduam paratæ, affunditur, subjuncta dein conveniente digestionem, omnino tantum ejus imbibit, ut instillato spiritu vitrioli protinus turbetur & præcipitetur. Parat hac ratione Sal sive Magisterium suum joviale *Mynsichtus*, in *Armament. Medico-Chym. p. 21.*

XIII.

Ex cupro Sal vitriolicum satis commode per cæmentationem & calcinationem cum Sulphure vulgari obtinetur. Spiritus enim vitrioli admodum languidè cuprum aggreditur, ita ut integra ejus libra, vix ultra dimidiam unciam cupri imbibat. Solent etiam ex æruginem cum aceto stillatio crystalli virides confici, in myropoliis sub titulo *des destillirten Grünspan* veneunt. Parum abludit ab his mercurius præcipitatus viridis, contra gonorrhoeam, *Begvini & Hartmanni.*

XIV.

Ex ferro vitriolum eadem methodo, ac è cupro, per cæmentationem & calcinationem cum sulphure parari potest, atque à *Glaubero* solo etiam sulphuris accensi fumo limaturam martis alembico capaciore insertam lambente, gratis quasi obtineri traditur. Quid, quod limatura martis cum sulphure trito remissa, sola etiam aquæ simplicis humectatione, ita incalescat aliquot horarum spatio interjecto, ut vi-

trum frangat, fumum densissimum emittat, tandemque in pulverem brunnum facessat, qui leni, in vase patulo, ustulatione abit in crocum egregie rubentem, ex quo per aquam pluviam Salvitriolicum saporis non ingrati, potest extrahi. *Conf. Excell. Dn. D. Hoffmanni Not. in Poter. p. 553.* Nihilominus ferrum quoque spiritui sive oleo vitrioli, tribus circiter aquæ communis partibus diluto, sic satis prompte obsecundat: quæ etiam recepta magis vitrioli martialis conficiendi est methodus. In hac ipsa tamen præparatione, præter alias & hæc notatu non indigna occurrit enchiresis. Videlicet acquirit non raro spiritus, imo & ipsum oleum vitrioli, partim per immediatam magis cum materia ignescente inter destillandum communicationem, partim per spiritus ardentis vinosi admixtionem, imò per solam ejusdem à mercurio currente abstractionem [quæ in præparatione ita dicti Turpeti mineralis usu venit], insignem volatilitatem, tantamque penetrandi vim, ut nullo propemodum modo coërceri possit, quin odor maxime sulphureus, adstantes ferme præfocans, per juncturas exspiret, qui tamen, indita saltem vasi recipienti limatura ferri recentiore, nec rubigine obsita, velut aucupario artificio irretitur, inque elegans vitriolum concentratur.

XV.

Salia hæc vitriolica, per menstrua acida ex metallis parata, cum pleraque sapore valde adverso & nauseoso polleant, imò nonnulla virtute septicâ satis violentâ instructa sint; tentârunt aliqui quodammodo mitigare; usuique Medico magis accommodare, per repetitas in aceto stillatio & aquâ pluvîâ pariter destillatâ solutiones, item per spiritus vinosi, aut salis volatilis urinosi additiones. Et spiritum vini quidem quod attinet, nota est ejusdem efficacia in acidis etiam maxime corrosivis v. g. oleo vitrioli, spiritu nitri concentrato &c. enervandis; sive ut loqui solent, dulcificandis. De

aceto

aceto vero destillato, jam *Basilius Valentinus* monuit, optimum illud virulentiae, praecipue mineralis, esse correctorem, allegato insuper experimento consideratu sane non indigno, in vitro antimonii aliisque emeticis antimonialibus drastrictis, per acetum destillatum cicurandis, quin plane invertendis, conspicuo. Vid. *Ej. Wiederhohl. des Steins der Weis. p. 107.* it. *Triumph-Wag. des Antim. p. 390.* Quin simile quid occurrit in supra allegato mercurio praecipitato viridi, ex mercurio & cupro in aqua forti solutis, per subjunctam aquae fortis abstractionem: residui vero in aceto stillatitio solutionem parari solito, qui raro vomitum aut salivationem concitare solet: quorum illud cupro, hoc autem mercurio, per aquas stygias corroso ac praecipitato, alioqui solenne est. Et sane meretur considerationem haud perfunctoriam mutua illa alteratio, quam acetum destillatum metallis, praecipue vero plumbo, cupro, ferro, & infert, & ab iisdem vicissim patitur, quae in saccharo saturni, crySTALLIS viridis aeris, crocis & praecipitatis variis martis aequae ac veneris, specimine non uno semet sistit. Quare non prorsus insuper habenda sunt, quae *Isaacus Hollandus* aceto destillato tribuit encomia, insignem ipsi pra aliis menstruis metalla penetrandi, volatilisandi ac rectificandi, denuoque figendi efficaciam asserens. Conf. *Excell. Dn. D. Praesidis Specim. Beccher. P. II. Membr. 2. Exper. 199. 200. & Mens. October, circa finem.*

XVI.

Spiritus vero sive Salis volatilis urinosi, pro Salium horum vitriolicorum correctione aptitudinem in dubium vocare liceret, ideo, quod periculum subesse videatur, ne Salia haec per liquoris ejusmodi alcalici accessum destruantur, particularum metallicarum, cum menstruo acido coalescentium, nexu iterum diremto ac dissoluto. Verum metus iste prope modum est supervacaneus. Cuprum enim vulgari saltem
aqua

aqua forti solutum per spiritum urinæ vel Salis Ammoniaci non præcipitatur, aut si quid ab initio ad fundum secedit, protinus iterum solvitur, majori hujus spiritus copiâ instillatâ, cum insigni coloris exaltatione, ita ut totus liquor antea viridescens, jam elegantissimum Sapphirinum colorem acquirat. Id unicè adhuc desiderandum videtur, non facilè in crystallos similis coloris solutionem istam cogi posse. Simplici enim utut lenissima evaporatione, aut vase etiam operto instituta abstractione, mox perit amœnitas illa coloris, & magma remanet salinum viridiusculum, difficulter admodum coagulabile, quod paulo immodestior calore tractatum, instar auri fulminantis, cum summâ violentiâ, nec sine adstantium periculo, disploditur. Non minorem difficultatem in solutione vitrioli Cyprii, per instillatum spiritum urinosum, pariter loco præcipitationis aut conturbationis miram coloris exaltationem subeunte, crystallisationi tamen itidem constanter reluctante, sibi objectam fatetur *Stifferus, in Act. Labor. Chym. Specim. II. c. II.* Post vatia tamen tentamina voti se compotem factum fuisse refert, ope liquoris cujusdam nec acido-corrosivi, nec alcalici lixiviosi, quem Autor l. c. non equidem diserte nominat, nullum tamen fuisse alium, quam spiritum vini rectificatum, peritiores dudum augurati sunt. Vitriolum Lunare per oleum vitrioli vel aquam fortem paratum, ope spiritus urinæ aut salis ammoniaci corrigendi methodum, satis dilucide exponit *Glauberus, Furn. Phil. P. II. p. 19. it. Prosperit. German. P. IV. p. 68.*

XVII.

Nescio, an etiam hic commemorare liceat correctionem, vel exaltationem hujusmodi Salium vitriolicorum, quam aliqui per additionem aliorum Salium obtinere tentârunt. Ita Crystallos Lunares hydragogas, mitiori ac tutiori operationi per adjectum nitrum aptare docemur in *Experim. Digbæan. p. 189.* Ex marte crystallos rubentes usui interno quoque

que satis commodas per aquam fortem, pauxillo nitri alteratam, obtineri, tradit *Febure*. Ipsum aurum per phlegma aquæ fortis & sal marinum in cryсталlos rubicundissimas, violacei odoris, nec ingrati saporis, redigit *Cassius*, *Tr. de Auro* c. 10. p. 109. Quamvis enim usui Medico hac ratione magis accommodari possent; aliis tamen, ob evidentiores salium peregrinorum accessum, tanto minus forte arriderent.

XVIII.

Verum missis salibus hisce vitriolicis, ad ea jam accedamus, quæ plerisque ad salia genuina propius accedere existimantur. Viam huc pertingendi satis aperte demonstrat *Geber. Summ. Perfect. l. 1. c. 51. Ex operibus naturæ*, inquit, probare possumus, sola salium & aluminum & similium naturam possidentia solubilia esse - - Igitur quæcunque solvuntur, necesse est per illorum naturam solvi. Sed quia videmus, omnia vere calcinata per reiterationem calcinationis & solutionis solvi, ideoque manifeste probatur per hoc, omnia calcinata ad salium vel aluminum naturam approximare.

XIX.

Calcinatio itaque clavis veluti Laconicæ vices sustinet, in arctis illis metallorum repagulis referendis. Est autem calcinatio, rei per ignem pulverisatio, cum privatione humiditatis partes consolidantis; prout idem *Geber* illam describit c. 50. p. 98. Id ipsum vero duplici ratione efficitur, vel per solum ignem, vel per salis acuitatem, teste eodem, *ibid.* p. 100. Utramque methodum exponit *Isaacus Hollandus*, peculiari *Tract. de Salibus & Oleis Metallicis conscripto*, & illum quidem metallis durioribus, hanc mollioribus aptiorem censet. Scilicet aurum, argentum, stannum, plumbum, convenientibus menstruis acidis solvuntur, præcipitantur, calces ab omni falsedine clotæ, cucurbitis planiore fundo instructis, non densius, quam ut crassitiem digiti æquent, infernuntur, atque per 20. 30. imo plures dies in

eo caloris gradu servantur, quo plumbum fortè , citrà incandescentiam tamen flueret: postmodum successivè ad incandescentiam usque ignis augetur, & ultrà octiduum continuatur. Sic portio magis volatilis, quam ille mercurium nuncupat, sub florum forma elevatur, calcesque in fundo relictæ, instar spongiæ intumescunt. Quo factò sal inde per acetum destillatum extrahitur, extractum per repetitas solutiones ac coagulationes purificatur. Duriora vero metalla, puta æs & ferrum, in teneram scopem ope limæ redacta, simplici ignitione, at tanto longiori, ad 30. imò 90. dies continuandâ, reverberantur, donec pari modo intumescant, atque sal sibi per acetum stillatitium extrahi patientur. Sed certè hæc operatio insignem patientiam & exquisitum plane ignis regimen (ubi præsertim vitrificationem omni studio præcavendam esse Autor candide monet,) sibi deposcit, ita ut paucos adhuc imitatores habuerit, imò apud multos vix fidem plenam invenerit. Succedere tamen hanc, per diuturnum ejusmodi reverberium, metalla, penetrandi atq; attenuandi methodum, propriâ experientiâ adstruit *Kunkelius*, qui limaturam martis h. m. tractatam, in subtilem crocum efflorescere tradit, quem plura in recessu habere scribit, quam quidem propalare fas sit. Vid. *Ej. Ars Vitrar. p. 69.*

XX.

Magis arrisit plerisque, forte ob majorem facilitatem operisque brevitatem, methodus Monte-Snyderiana, metalla cum regulo antimonii remixta, per nitrum, tartarum & sulphur, congrua proportionem inter se commixta, ita destruendi, ut post separationem salium additorum, sulphurisque sequestrationem, ex calcibus residuis, ulteriore calcinatione reclusis, sal denique possit extrahi: prout hanc partim ipse Autor, quamvis paulò obscurius, partim commentator ejus *Berlichius*, tum in *Notis Monte-Snyderiano scripto annexis*, tum in *Dissert. sua Inaugurali, de Medicina U-*
niver-

niversalis, *Fenæ* anno 1679. *habitâ*, latius exponit. Sed, uti *Excell. Dn. D. Præses* alibi, *Mense* nimirum *Aprili*, jam jam monuit, vix aliquid aliud, quam nitida vitriola hac ratione quis obtinuerit. Quod ne ipse quidem *Berlichius* penitus negare audet, majorem saltem fixitatis & fluiditatis gradum illis vindicans.

XXI.

Interim mirari quis posset meritò, quod loco salium & sulphuris vulgaris, non alia mineralia, aut ipsa etiam metalla, huic scopo aptaverint artifices. Notum est, quod stannum & plumbum leni igne amicè inter se coëant, mox tamen, ubi ad incandescentiam vergit calor, ita mutuo exardescant, ut prunæ ad instar gliscendo, in cineres protinus fatiscant. Ita de Zinco pariter notatū dignum est, illud metallo v. g. plumbo fervidè liquefacto (daß es treibt) frustulatim ingestum, mox lucidissima flammâ exardescere, & sub copiosa florum albiſſimorum exhalatione, unà cum metallo in pulverem levissimum ac tenerrimum albicantem abire. Neque ullibi hujus rei vestigia me deprehendisse memini, quàm apud *Becherum* in *Concord. Chym. P. ult.* quam *Rosetum Chymicum* nominat, n. 3. p. 792. Ubi aurum ipsum, per trium circiter partium Zinci admistionem, hujusque igne fortissimo ab auro sublimationem, in calcem flavescentem, splendore omni cassam, redigere docet.

XXII.

Magis trita & usitata est methodus, per iteratas mercurii à metallis abstractiones & sublimationes, eadem intimius penetrandi & recludendi. Sic *Ettmüllerus* in *Coll. Pharm. Schræd. S. III. c. 10.* pro calcis solaris, ope aquæ regię paratæ & aqua simplici jam elotæ, ulteriori edulcatione philosophica, commendat admistionem mercurii dulcis, æquali pondere addendi & diligenti tritura optima subigendi, postmodum vero à calce solari iterum sublimandi. Ita aurum

instar lanuginis remanere, atque extractioni tincturæ (procul dubio etiam salis) melius deinceps inserviturum esse spondet. Efficaciorem hic fore mercurium sublimatum corrosivum, ita ut etiam citra præviam metallorum per aquas stygias solutionem solus sufficere posset, facile concedet is, qui, quantum sal ammoniacum, vel ipsum quoque arsenicum hic valeat, perspectum habet. Quamvis illis, qui acidi cujuscunque accessum adeo reformidant, hæc methodus tanto minus ad palatum futura sit, quo evidentius salia, mercurio sublimato juncta, cooperantur.

XXIII.

Placuit itaque plerisque mercurii vivi ministerio hic uti. Quâ quidem viâ incedit tractatuli Gallici, in Germanicum quoque idioma sub titulo, *Grab der Armut*/ translati Autor *Atremontius*, prout totum artificium scripto allegato paulo obscuriùs traditum, ex ipsius Autoris secretâ communicatione sibi revelatum, aperte satis exponit *Borrichius Conspect. Chemic. Illustr.* §. 57. p. 38. Neque multum ablu-
dit processus, quem *Beccherus* in *Tripod. Hermet. sub tit. Concord. Mercur. Lunæ, lit. Y.* p. 170. proponit, ac *Keslero & Clausio*, Ferdin. III. Imper. Archiatro, in acceptis refert. Idem tamen propemodum clarius descriptus extat in *Opp. Ang. Salæ p. 290. sub titulo, Spiritus Solis, Joh. Osiandri, Præsulis Murbacens.* Videlicet aurum, in tenuissimas bracteolas redactum, cum mercurio currente amalgamatur, & superflua mercurii vivi portio per corium exprimitur. Massâ in corio relicta, in testâ vitro obductâ, sub alembico vitreo, ad excipiendum avolantem mercurium, prunis ardentibus imponitur; ut mercurius ab amalgamate iterum secedat. Enchiresis, notante *Becchero*, hic necessaria consistit in eo, ut inter alembicum & vasculum terreum, amalgama continens, spatium relinquatur ad digiti latitudinem: quò tantò promptius mercurius exhalare, & alembico sese applicare possit. Priusquam autem
mer-

mercurius dimidiâ ex parte, vel in totum exspiret, removen-
da ab igne, & rursus terenda est auri massa, ne coëat aut coale-
scat, quod omni studio præcavendum. Mercurio omni ex
parte fugato, calci relictæ novus mercurius, vel pristinus quo-
que reddendus, & rursus per ignis vim abigendus est, idque
toties repetatur, donec eadem calx jam ægre mercurium sibi
jungi patiatur. In labore hoc non opus est, ut mercurius,
in amalgamando soli iterum junctus, prorsus fugetur, non
refert, etiamsi aliquid cum auro maneat. Quando jam calx
ista solaris mercurium ægrè, vel prorsus non vult admittere,
tum mercurius omnis per calorem expellitur, saltem provi-
dendo, ne calx fundatur, calx illa quodammodo rubet. Cal-
ci huic affunditur acetum stillatitium, & quicquid mercurius
ad solutionem aptum reddidit, extrahitur. Tum calci reli-
ctæ pristinus vel novus etiam mercurius jungitur, quem jam
promptissimè, quod sane mirandum, suscipit, & primi labo-
res ordine repetuntur, donec tota calx solaris h. m. resoluta
sit; quod tamen non nisi multis & repetitis laboribus fiet. Ace-
tum, quod in solutione fuit adhibitum & decantatum, con-
jungitur, & in cineribus lento igne evocatur. Remanet in
fundo sal, qui aquâ pluvîâ destillatâ denuo solvi & depurari pot-
est. Sal iste siccatus, & per retortam destillatus, penetrantif-
simum fundit spiritum, croci fragrantiam æmulantem, reli-
cto in fundo capite mortuo cinereo, ex quo iterum sal, purita-
te & fixitate priori longe præstantior, elici potest.

XXIV.

Paucis saltem enchiresibus variat, tentata à *D. Luca Osi-
andro*, supra laudati *Joh. Osiandri* fratre, Theologo alioqui
non incelebri, auri argentique analysis, per *Joh. Ulr. Re-
schium* sub titulo, *Experimentorum Osiandrianorum*, publi-
cæ luci exposita, ac pluribus exemplis illustrata. Nempe pa-
ravit Autor laudatus ex auri purgati parte unâ, & mercurii
purificati partibus sex, amalgama, quod superflua mercurii

vivi quantitate per corium exprelsâ, phialæ vitreæ extus luto obductæ, atque ollulæ vulgaris fundo pertuso adaptatæ, imposuit, alembico vitreo congrue applicito, subjectoque igne lampadis, mercurium omnem, vel magna ex parte exhalare fecit, ut aurum instar globi cinerei, vel brunneo-lividi remaneret. Quo factò globum hunc, antequam refrigeret, & vitro nimis firmiter agglutinetur, exemit, comminuit, reddîtâque aliquâ mercurii vivi quantitate, affusâ insuper aquâ communi, diligenti triturâ tamdiu exercuit, donec aqua affusa nigresceret, quâ decantatâ, recentem affudit, idque toties, donec nulla inter terendum nigredo amplius emergeret, repetiit. Amalgama h. in. lotum denuo præfatâ methodo tractavit, usque dum tota auri substantia in ejusmodi pulverem atrum redacta fuerit. Pulvis hic nigricans tenerimus, teste eodem, leniter in crucibulo candefactus, ut ipsi adhuc adhærens mercurii vivi portio exspiret, (quæ tamen, si per retortam vitream hæc instituatür separatio, capi & servari potest,) acquirit colorem obsoletè flavum, splendore omni orbatum, nec unquam in aurum reduci valet, verum in vitrum smaragdinum abit, si cum nitro, tartaro & sale communi tentetur redectio; per repntitas vero cum aceto destillato extractiones, totus denique in salem, Medicis usibus non inutilem, redigitur. Idem succedit cum argento, hoc saltem observato discrimine, quod aqua, quâ amalgama lavatur, & ipse pulvis, ab amalgamate abscedens, non ita eximiè nigricet, per reductionis tentamen vero, in vitrum hyacinthinum facessat.

XXV.

Verum enim vero sunt aliqui adeo delicati palati, ut ne levissimi quidem acoris, qualem acetum stillatitium, in extractione horum salium adhiberi solitum, possidet, accessum tolerare possint. His ut satis fiat, omnisque ulterius quicquam excipiendi occasio præscindatur, allegabimus saltem
soler-

solertissimi *Borrichii* observationem, quâ deprehensum fuit, ipsam illam aquam, quâ talia amalgamata lavantur, post atrati illius pulveris separationem, leni calore evaporatam, pariter aliquid sinceri salis exhibere, qui, si aquâ purâ stillatitiæ lotioni fuerit adhibita, non aliunde nisi à metallo, per repetitam hanc cum mercurio subactionem quodammodo recluso, proficisci potuit. Quamvis autem totus hic labor peculiari Tractatulo Belgico sub titulo, *J. B. van Helmont Præcipitulum, Amstelodami an. 1688.* edito, & pullularum Starckianum descriptioni juncto, fusè satis exponatur: placet tamen ipsum audire *Borrichium*, qui *Conringio*, hanc ipsam controversiam moventi, propriam opponit experientiam, *Tract. de Hermet. & Ægypt. Sapient. L. II. c. 7. §. 5. p. 409.* Conficio, inquit, ex quadruplo purgatissimi hydrargyri, & simplo auri, per antimonium sollicitè transmissi, amalgama, quod diu per otium in mortario vitreo, super infusâ aquâ stillatitiâ, divexo alteroque, interea observo quotidie, imo quavis horâ, tantillum corporis cujusdam nigrificandis in aquam ex attritu depori, cumque liquor satis videretur nigrore illo fæctus, in vitrum mundum effundo, & post interxallum breve subsidentius in fundum atratis illis atomis, natantem suprâ aquam iterum reddo amalgamati, tero ut prius, & diu hoc negotium persequor. Post dies aliquot, cum nigrificantes illæ particulae viderentur abradi parcius, adjeci nonnihil purissimi hydrargyri, ut flexilius redderetur amalgama, & metallica atomi, sub pistillo vitreo hærentes, dividerentur exactius. Ita continuato ad aliquot hebdomadas labore hoc, nigrum istum pulvisculum ad æstivi solis radios desicco, variisque tentaminibus exploro, iterumne in aurum possit reduci, sed nullo hætenus artificio id licuit. Aqua autem illa stillatitia, quæ affusa trties fuerat, leni evaporatione, aliquot grana salis crystallini in fundo reliquit. Successit res
eodem

eadem modo in argento, & paulo citius; sed illæ, ex argento per trituram excussæ atomi, non nigricant; sed ad cinereum magis declinant colorem, & illæ in priorem argenti massam, quantum adhuc constat, reduci nesciæ. Plumbum candidum, quod stannum hodie vocant, pulvisculum attritu reddit nigricantem, i. e. aurei illius valde æmulum. Æs elimatum bidui attritu quoque in verum amalgama facessit, utcunque id ignotum hætenus plerisque, & relinquit in aqua primam quidem pulvisculum subnigrum, in progressu trituræ propemodum flavum. Plumbum nigrum alba ramenta, & sic satis copiosa in aquam secernit. Aqua, quæ singulorum amalgamatum trituræ inservit, leniter in vaporem soluta, relinquit in fundo tantillum veri & pungentis salis. Hydrargyro autem, huic operationi adjuncto, ne quis sive saltem illum, sive nigra illa ramenta attribuat, sciendum, me neutrum ab eodem probe defæcato potuisse hætenus extorquere, cum solum diu multumque in mortario cum aquâ stillatitiâ exercerem.

XXVI.

Trituræ huic, sane tædiosæ ac laboriosæ, poterit etiam digestio substitui, eo tamen caloris gradu moderanda, ut mercurius sublimationi quidem proximus, interim tamen parum ejus actu ascendere videatur, quâ per nychthemeron, aut diutius etiam, continuatâ, amalgama cuticulâ nigricante obducitur. Exemptum itaque amalgama, diligenti triturâ in mortario firmo cum aquâ stillatitiâ exerceatur. Ita secedit multum pulveris nigricantis in aquam, quæ à pulvere isto atrato, vel per spontaneam ejusdem subsidentiam, vel filtrationis subsidio separata, atque leni calore in vapores soluta, relinquit pariter aliquid sinceri salis, quamvis qui quantitatem molarem hic expectat, somnia sibi fingat. Si quis tamen, monente Borrichio, loco aquæ stillatitiæ acetum, vel saltem ejusdem phlegma huic trituræ adhibue-

hibuerit, plus omnino salis obtenturus esset. Item si pulvisculus ille ater, opelotionis sequestratus, siccetur, retortulæque vitreæ immittatur, ut, quæ ipsi adhuc adhæret mercurii vivi portio, inde segregetur, postmodum in vase patulo, sub diligenti agitatione, leni incandescentiâ ustuletur, ac denique per spiritum aceti extrahatur, largiorem quoque salis proveniunt suggeret. Quamvis non ignotum sit, quid contra hanc enchiresin possit, aut soleat excipi. Sed, si quod res est, libere eloqui liceat, nodum in scirpo profecto quærunt, ac nimis subtiliter in aëre piscantur, qui in analysi metallorum acidij cujuscunque, etiam levissimi, accessum, non dicam respuunt, sed penitus exhorrescunt.

XXVII.

Sicut autem unumquemque suo sensu abundare patimur, ita nostrarum potius partium nunc esse intelligimus, de usu horum salium aliqua subnectere. Respicit vero is ipse fines partim Physico-Chymicos, partim Medico-Chirurgicos. Quod scopum priorem attinet, notum equidem est magnificum nonnullorum promissum:

Sal metallorum est Lapis Philosophorum.

Licet vero *Isaacus Hollandus* salibus suis metallicis, etiam ex ignobilioribus metallis paratis, tingendi, mercuriumque constanter figendi virtutem disertè adscribat, cui quoque recentior *Kunckelii* adstipulatur experientia, quam ipse in *Observat. P. I. c. 5.* his verbis commemorat: Mir ist bewust ein Salz aus den Metallen zu machen, welches in einem Laboratorio ausser einer Glashütte oder dergleichen beständigen Feuer etwas mühsam fällt. Dasselbe Salz läßt sich erstlich wie Salz in Eßig solviren, oder mit selbigen extrahiren, gehet auch mit durchs filtrum. So es aber einmahl, wie ein alumen plumosum, angeschossen, solviret es weder Eßig, noch Wasser mehr, will auch in keinem Feuer schmelzen, ausser in übermäßiger Hitze, da es, wie ein Milchfarb vitrum wird. Dieses hat mir viel Nachdencken gemacht. Wie ichs aber das hin gebracht, daß es im Wasser sich solviret hat, habe ichs über einen gereinigten Mercurium gegossen, der sich ganz zitternd, als hin und wieder fließend, erzeiget, biß ich das Wasser in der Wärme davon gezogen, da habe ich in der reduction eine spröde massam gehabt, welche nach eglichen schmelzen und abtreiben das schönste feinste Silber etwan bey dritthalbloth gegeben.

Multum tamen salibus hisce suis adhuc deesse, quo minus tantum nomen jure sustinere queant, ipsi hi boni Viri ingenue fatentur. Sufficiat itaque hic allegasse, quæ non minus modeste, quam nervose de hoc negotio differit Geber, *Summ. Perf. L. I. c. 51.* *Fuit autem causa inventionis solutionis, subtiliatio eorum, quæ nec fusionem competentem, nec ingressionem habent, de quibus magna utilitas amittebatur spirituum, & eorum, quæ suæ naturæ sunt. Nam omne, quod solvitur, necesse est salis aut Aluminis, vel eorum consimilium naturam possidere. Est autem natura eorum, quod fusionem dant ante illorum vitrificationem. Ergo & spiritus soluti fusionem præstabunt similiter similem. Cum ergo multum ex naturâ suâ corporibus & sibi invicem convenient, habitâ fusionem, necesse est, per illam corpora penetrare, & penetrando transmutare.*

XXVIII. Atque ipsa hæc à Gebro allegata & commendata metallorum sub hac operatione subtilisatio, lucem quoq; affert haud exiguam sciscitantibus, quid inde utilitatis in medendo forte expectare liceat. Sive enim hæc metallorum in salia reductio, per modum extractionis separatoriæ, sive per modum attenuationis transmutatoriæ contingat, utrobique tamen usibus Medicis magis accommodari patet; dum hic promptior solubilitas, illic partium nimis volatiliū & fæcum terrearum sequestratio, indeque emergens justa fixi & volatilis concordia, feliciori effectui velificatur.

XXIX. *Claveus* certè *lib. de Artificio produc. lapid. philos.* profert circumstantiam certam, ad minimum sub hypothetica admissione, consideratione summa in hoc genere dignam; dum asseverat, quod tinctura metallica ad hanc sui perfectionem deducta, ut metallis tingendis rectè satisfaciat, tamen pro usu medico, qui corpori humano salutaris esse possit, nondum idonea existat: sed pro hoc scopo opus habeat, ut adhuc pluribus diebus, quinto gradu ignis continuato, demum ita calcinanda veniat, & ignea hac agitatione attenuanda, ut in potulentis liquoribus prompte deliquescat: Id est, in sinceram salinam indolem reducat. Interim sit hujus rei fides penes autorem. Cæteroquin autem valeret ita sine tropica locutione dictærium illud, etiam ipsi *Claveo* familiare, *sal metallorum est lapis Philos.*

XXX. Interim cum parvus horum salium proventus vel minus

nus usitata eorundem præparatio illa promiscuis in medendo usibus impendere atque vires ipsorum frequentioribus, ut par est, experimentis explorare nondum permiserit: altera illa vitriolica salia, neque sine successu, hætenus usurpârunt Practici. Consistit autem præcipuus Vitriolorum fere quorumlibet effectus in adstrictoriâ virtute, cui interdum vis septica, plus minus manifesta, conjungitur. Eminent hæc in crySTALLIS lunæ & vitriolo venereo, remissior est in vitriolo solari, & magis adhuc temperata in vitriolo martiali, quod jamjam plus stypticitatis participat, quâ saccharum saturni cætera omnia antecellit.

XXXI. Habent igitur externe usum non contemnendum in ulceribus antiquis, sordidis & valde manantibus; quippe quæ virtute suâ septicâ repurgant, vi adstrictoriâ cohibito affluxu, consolidant. Proinde quoque in ipsis adeo cancris, ulcerationibus, præ aliis remediis absterforiis & septicis, vitriolum Solis à B. D. Petermanno, Practico Lipsiensi celeberrimo, commendatum fuisse memini. Cujus asserti fidem etiam confirmat oleum illud auri, seu liquor potius vitriolicus, ex auro per spiritus nitri & salis parabilis, inter *Experimenta Dygbæana*, ab Hartmanno & Langio publicata, p. 219. & denuò in *Medicinâ Experimentali Dygbæanâ*, Offenbachii editâ, P. I. p. 79. descriptus, quo Mr. Belieur, Chirurgus Parisiensis, varia ulcera caecoethica, venerea quoque, imo plane cancrofa, brevi temporis spatio persanasse dicitur: quod & ab alio propriâ experientiâ comprobatum fuisse scio. Quin solam ac simplicem martis solutionem, per acetum factam, ulcerationes faucium, aliâs valde refractarias, satis expeditè curasse memini. Interim maturè hic deliberare antea convenit, an utique expediat, talia diu assvefacta ulcera, cito restringere atque consolidare. Non rara enim sunt exempla noxarum vere fonticarum, ex ulceribus crurum antiquis, subito desiccatis, pullulantium. Quare & hic bifrontem decet esse Medicum. Pari circumspeditione opus est in inflammatoriis congestionibus, ac præcipue quidem oculorum, per saccharum saturni aut alia vitriolica, reprimi solitis; ne illud sine præmissis, interpositis, subjunctis temperantibus, divertentibus, laxantibus ac discutientibus internis tentetur; aut major, dolori saltem mitigando & tollendo, quàm stasi universæ denuò dissolvendæ, detur opera. Circa asperitates, cicatrices & pelliculas tunicæ corneæ, per vitriolum venereum absumi consuevit, itidem monendum; ne quis sine Universalibus, ut loqui solent, præmissis, negotium aggrediat. Cumque dolori atque affluxui humorum, usum septicorum excipere aliquo solito, præcavendo & mitigando, non ineptum existat saccharum saturni, id ipsum vero cum vitriolo venereo, citra præcipitationem, misceri commode nequeat: hæc adhiberi poterit enchiresis, ut primò aliquot guttulæ solutionis vitrioli veneris, post aliquot autem minuta, non nihil sacchari saturni, in aquâ rosarum soluti, instilletur oculo.

XXXII. Usus internus quod attinet, pollet vitriolum Solare anthelmin-

icâ, cathartica, simul tamen & roborandi, virtute ut spes est; quas
dotes etiam vitriolum Martiale, utut impari gradu, æmulatur: quo no-
mine pilulis aloeticis laxantibus, pulveribus anticachecticis, aliisque re-
mediis anthypochondriacis & emmenagogis, non ineptè jungitur. Vi-
triolum Lunare potens est hydragogum, ita, ut etiam vix tutò illud pro-
pinari posse multis videatur: habere tamen insimul specificam, phanta-
siae aberrationes corrigendi, efficaciam, præter decantata Tincturarum
lunæ encomia, propemodum persvadet Practici cujusdam non incelebris
testimonium, felici aliquot Maniacorum curatione comprobatum, qui
Excell. Dn. D. Præsidi asseveravit, semet in curandâ maniâ nulli alii re-
medio plus fidere, quàm ipsis his crystallis Argenti vitriolicis. Vitrio-
li Venerei usus internus, ob vim ejus septicam atque emeticam violen-
tissimam, merito dissuadetur. Quantum tamen eidem, cum mercurio so-
ciato, ac per acetum stillaritium denuo soluto & correcto, in Gonorrhoe-
â virulentâ, etiam inveterata, radicitus extirpandâ tribuatur à *Be-
guinto, Agricola*, aliisque, apud dictos Autores videri potest. Quantum
itidem de hoc ipso, in crystallos cyaneas, ope spiritus urinæ vinique re-
ducto, iterumque in aquâ quadam destillata conveniente soluto, in epi-
lepsiâ curandâ, promittat *Stisserus*, pariter notum est. Quamvis autem
congruus ac circumspectus ejusdem usus penitus damnari nequeat, parcâ
etiam dosi exhibitum nullos concitet vomitus, aliasve noxas inferat;
paulo immodestioribus tamen præbiis oblatum, virtute emeticâ non pe-
nitus exutum esse, demonstrat. Sal s. Magisterium Joviale Mynsichti,
tanquàm remedium antihystericum specificum, comprobatae fidei, lau-
datur à *Baglivo* in *Prax. L. II. c. 9. §. 5. p. 209*. Saccharum Saturni
solet quidem à compluribus, in deliriis phreniticis, gonorrhoeâ &c. pro
æstu atque ardore interno temperando, eximiè commendari. At vero,
quisquis noxam gravissimam & fere immedicabilem consideraverit, quam
vina acidiora, per lithargyrium immixtum, nefando mangonio, edulcata
inferunt: imo qui præsentissimam appetitus, adhuc qualitercunque sibi
constantis, prostrationem, paucis tincturæ illius antiphthysicæ saturnino-
vitriolicæ dosibz induci solitam, expenderit, saccharum saturni usui potius
externo Chirurgico, quam interno destinandum esse procul dubio consentiet.

XXXIII. Si quis autem etiam altiora pollicentibus aurem præbe-
re velit, ille audire poterit ipsum maxime supra citatum *Clavum*, qui *l.*
a. ait: *Sal noster aurificus seu Lapis Philosophorum - - - est verum Aurum*
potabile, quod in omni liquore solvitur. Et, ut ajunt, præstantissimum est
& accommodatissimum prosligandis morbis desperatis remedium. Huic Sal
- - insistentum esse potissimum semper existinavi. &c. Ceterum ego, ut hujus
asserti veritatem nondum expertus, nec alii Autor sum, ut illi inda-
gandæ, aliter quàm prudenter atque circumspectè unquam
animum submittat.